



ESCUDERÍA SIROCO NARÓN  
Manuel Antonio Sueiras Durán

Nº Expediente : **C-PD-26/2025**  
Asunto: **Resolución autorización proba deportiva**  
Proba deportiva: **37º RALLYE CIDADE DE NARÓN**  
Solicitante: **ESCUDERÍA SIROCO NARÓN**  
Data celebración: **23 e 24/05/2025**  
Horario: **Día 23/5 de 16:00-17:30 ( shakedown )**  
**Día 24/05 de 7:15-21:00**  
Vías afectadas: **CP-4906, DP-2503, DP-7601, DP-4905 e pistas locais asfaltadas**  
Concellos afectados: **NARÓN, AS SOMOZAS, SAN SADURNIÑO, MOECHE, CERDIDO, VALDOVIÑO**

## FEITOS

Primeiro.- O 5 de abril recibíuse a solicitude de autorización da proba deportiva " 37º RALLYE CIDADE DE NARÓN ", que se vai celebrar os días 23 e 24 de maio de 2025. A proba discorrerá polos concellos de Narón, As Somozas, San Sadurniño, Moeche, Cerdido, Valdoviño. As vías afectadas son CP-4906, DP-2503, DP-7601, DP-4905 e pistas locais asfaltadas.

Segundo.- O expediente instruíuse coa achega dos seguintes documentos: regulamento da carreira, autorización da Federación Española de Automobilismo, memoria da proba, rutómetro, mapa do percorrido, cartel, servizos sanitarios, seguros de responsabilidade civil e accidentes e xustificante de pago da taxa reguladora.

Tamén achegaron os informes favorables dos concellos afectados; dos titulares das vías polas que discorre a proba (Servizo de Vías e Obras da Deputación Provincial); o Servizo de Montes do departamento territorial da Consellería do Medio Rural informa que non procede emitir autorización para este evento xa que non concorren os supostos de feito esixidos no artigo 88.2 da Lei 7/2012, do 28 de xuño, de Montes de Galicia malia que sinala unhas recomendacións para o uso do monte e na prevención de incendios; o informe do servizo de Patrimonio Natural do departamento territorial da Consellería de Medio Ambiente e Cambio Climático establece un condicionado de obrigado cumprimento.

Terceiro.- Solicitouse o preceptivo informe á Xefatura Provincial de Tráfico, que se xunta á presente resolución, se incorpora como parte da súa motivación e condiciona a autorización solicitada, de xeito que poderá ser suspendida ou revogada no caso de incumprimento.



## FUNDAMENTOS DE DEREITO

Primeiro.- Real decreto 1640/1996, do 5 de xullo, sobre traspaso de funcións e servizos da Administración do Estado á Comunidade Autónoma de Galicia en materia de espectáculos públicos. Decreto 336/1996, do 13 de setembro (BOE do 17 de setembro), sobre asunción de funcións e servizos transferidos á Comunidade Autónoma de Galicia en materia de asociacións e espectáculos públicos e a súa asignación á entón Consellería de Xustiza, Interior e Relacións Laborais.

Segundo.- Na actualidade a competencia ven establecida aos directores territoriais en virtude do Decreto 136/2024, do 20 de maio, polo que se establece a estrutura orgánica da Consellería de Presidencia, Xustiza e Deportes e o artigo 11 do Decreto 245/2009, do 30 de abril.

Terceiro. O Anexo II do Real Decreto 1428/2003, do 21 de novembro, polo que se aproba o "Reglamento General de Circulación" establece no seu artigo 2 que a competencia para expedir a autorización para celebrar probas deportivas que se desenvolvan integramente por vías situadas dentro do ámbito territorial dunha comunidade autónoma, corresponderalle a esa comunidade autónoma.

Cuarto- Lei 20/2017, do 27 de decembro, de espectáculos públicos e actividades recreativas de Galicia e Decreto 98/2020, do 2 de xullo, polo que se regula o procedemento de autorización da celebración de espectáculos públicos e actividades recreativas que se desenvolvan en máis dun termo municipal da Comunidade Autónoma de Galicia e Decreto 226/2022, do 22 de decembro, polo que se regulan determinados aspectos da organización e desenvolvemento dos espectáculos públicos e actividades recreativas e se constitúe o Rexistro de Empresas e Establecementos.

Quinto- Lei 39/2015, do 1 de outubro, de procedemento administrativo común da administracións públicas.

En virtude de todo o exposto,

## RESOLVO

**Autorizar** a celebración da proba deportiva " **37º RALLYE CIDADE DE NARÓN** ", os vindeiros días 23 e 24 de maio de 2025. Deberán cumprir as condicións que se sinalan nos informes emitidos, así como no disposto nos artigos 6 ao 14 do Anexo II, Sección segunda, do Real decreto 1428/2003, do 21 de novembro.

Contra a esta resolución poderá interpoñer recurso de alzada ante o Conselleiro de Presidencia, Xustiza e Deportes, no prazo dun mes que comezará a contar a partir do día seguinte ao da notificación desta resolución.

A Coruña, na data da sinatura electrónica

A directora territorial  
M<sup>a</sup> del Mar Ferreiro Broz

